



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : ST. CATHARINE'S SCHOOL FOR GIRLS

學校名稱 : 聖傑靈女子中學

Name of Play 劇名 : 最好的，錯過了

Script writer 劇作者 : 呂詠琳同學、蘇卓怡同學

Synopsis 故事大綱 :

最值得珍視的是什麼？

最好的機會？最好的工作？還是你身邊最好的那個人？

人，往往是錯過了那「最好的」才懂得珍惜。

念晴認為賺錢給母親便是孝順她，卻因日以繼夜工作而忽略照顧母親及放棄與她相處的時光。

可是，對念晴媽媽來說，錢非萬能，那她真正想要的是什麼？當念晴恍然大悟時，又發生了什麼事？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序

場景：家

人物：念晴媽、念晴（小時候）

（媽在家，正哼歌、摺衫）

媽：（望住啲衫呈滿意狀）靚晒！咁夜啦喎，仲未返既...（念晴拿著自家製毛巾蛋糕鬼鬼祟祟入）

晴：（哼著分分鐘需要你出）lalalalalala...（拿出蛋糕送給媽媽）媽咪母親節快樂

媽：（甜笑並跟著哼）咁乖既！係咪又做錯啲咩事！（扮髒、作打人的模樣）

晴：（委屈）咩啊！我不髒都乖架啦！（突然醒起）丫！等陣！加埋呢個落去，咁就完美喇！（插蠟燭落個假蛋糕度，滿意狀）

媽：我又唔係生日做咩要插埋蠟燭啊？

晴：因為有蛋糕就要有蠟燭囉！

媽：呢個明明就係開心樂園餐嘅玩具，想吓我呀？

晴：唔係囉，佢係真㗎！你快啲許咗願、吹咗蠟燭先啦！

媽：點吹啊？都有火！

晴：（天真）你幻想下啦！你諗下就有㗎喇！

媽：（沒好氣）好喇好喇！（合眼、許願、吹蠟燭）

晴：（迫不及待）媽咪！媽咪！你許咗咩願啊？

媽：嗯...媽咪最希望你聽教聽話、唔好成日駁嘴啦...

晴：（發小脾氣）咩啊！我邊有成日駁你嘴！哼！

媽：好喇好喇，其實媽咪最大嘅心願係希望你日日都過得開心，就算媽咪老左都可以陪住你。

（望到念晴條領又攝左入件衫入面）仲有最重要嘅一樣，唔好咁呢啡，你睇下你，條領又反左入去喇（幫女反翻出來）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

晴：（望一望）嘻嘻唔該媽咪！呢啲心願咪咁易成真，媽咪都唔會老既，你係念晴最中意嘅媽咪
嚟㗎嘛，我要永遠都同媽咪一齊……

媽：知你乖喇。

（母女相擁）

（燈暗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

場景：家

人物：念晴媽、念晴

（媽在幫晴執屋）

（媽需不時做不適動作，如撫摸胸口、腳軟欲倒等）

晴：（無精打采）我返黎啦。

媽：（和顏悅色）返黎喇？今日做嘢做成點啊？

晴：（敷衍）都係咁啦。

媽：（邊打掃邊講）你做野咁忙，成日食外賣，實無啖好食架喇，媽咪今晚煮左你最鍾意食既紅燒排骨呀，我呀，琴日一早就叫街市阿排骨榮幫我留啲靚排骨，佢話……

晴：（雀躍、講電話）係咩？咁好架咩？咁我以後多啲黎！

媽：（大喜）係咪架？

晴：（繼續講電話）可以呀，反正我呢排唔算太忙……

媽： 哎呀，咁我要同陳師奶講聽日唔飲茶喇！（停手不打掃，思考狀）唔……一於煲合桃牛蒡蓮子排骨湯，補腦又可以好喇……（滿意狀）

晴：（電話收線，望向媽）拜拜。嗯？你講咩？

媽： 我話，（放慢）煲湯俾你飲。

晴： 哦，好呀！幾時呀？我睇下得唔得閒先！

媽： 聽日嘛！

晴： 聽日？我唔得閒啫，啱啱約左friend。

媽：（望到電話，恍然大悟）哦，你……啱啱係講緊電話啊？

晴： 係呀。

媽：（失望）哦！咁你下次得閒返黎食飯，我先煲湯俾你飲啦。

晴： 好呀。

（媽繼續打掃，突然胸口痛，手掩心口，跌坐在沙發上。晴不察覺，在玩電話。）